

O'zbekiston Respublikasi
Xorazm viloyati
Bog'ot tumani
HOKIMI
QARORI



Ўзбекистон Республикаси
Хоразм вилояти
Боғот тумани
ҲОКИМИ
ҚАРОРИ

220200 Боғот шаҳарчаси Ўзбекистон кўчаси, 18 уй. Tel:31-52-807, faks:31-52-425

2020 йил "2" Нокдср

№ 2376

Боғот шаҳарчаси

Нусха № 1

Фуқаро Аминов Бекпўлат
Каримовичнинг турар жой биносига
бўлган эгалик ҳуқуқини белгилаб бериш
тўғрисида

Боғот тумани "Нурафшон" шаҳарчасида яшовчи фуқаро Аминов Бекпўлат Каримовичнинг "Нурафшон" шаҳарчасида жойлашган турар жой биносига бўлган эгалик ҳуқуқини белгилаб беришни сўраб туман ҳокимлигига йўллаган 2020 йил 15 октябрдаги ХО-А-2817-сонли аризасини, "Нурафшон" шаҳарчаси фуқаролар йиғинининг маълумотномасини ҳамда Хоразм вилояти ер тузиш ва кўчмас мулк кадастр давлат корхонаси Боғот туман филиалининг 2020 йил 12 октябрдаги 3498-сонли маълумотномасини кўриб чиқиб, Боғот тумани ҳокимининг 2003 йил 31 октябрдаги 607-сонли қарорига, "Уй-жой кодекси"нинг 22, 23-моддаларига, "Маҳаллий давлат ҳокимияти тўғрисида"ги қонуннинг 6, 10 ва 25-моддаларига ҳамда Ўзбекистон Республикаси Вазирлар Маҳкамасининг 2000 йил 20-январдаги 18-сонли қарори билан тасдиқланган "Уйлар ва турар жойларни уй-жой фондига киритиш тартиби тўғрисида"ги Низомга асосланиб,

ҚАРОР ҚИЛАМАН:

1. Боғот тумани "Нурафшон" шаҳарчасида жойлашган 10 (ўн)та хонадан иборат, яшаш хоналари 3 (уч)та бўлиб, ички ўлчами 49,83 квадрат метр, ёрдамчи хоналар 7 (етти)та бўлиб, ички ўлчами 152,22 квадрат метр, жами хоналарнинг ички ўлчами 202,05 квадрат метр, қурилиш ости майдони 443,26 квадрат метр, умумий ер майдони 600,0 квадрат метр (умумий ер майдони 660,0 квадрат метр бўлган ушбу турар жойнинг белгиланганидан ортиқча бўлган, 60,0 квадрат метрдан вақтинча фойдаланиш - ушбу вақтинчалик фойдаланиш мақсадида берилаётган ер майдонини қайтариб олиш шарти билан) ушбу турар жой биносига нисбатан фуқаро Аминов Бекпўлат Каримовичга мулк ҳуқуқи асосида унга эгалик ҳуқуқи белгилаб берилсин.

2. Фуқаро Аминов Бекпўлат Каримовичга ушбу турар жойи биносининг ер майдонидан бошқа мақсадларда фойдаланганда ҳамда келгусида янгидан қуриши ёки қайта реконструкция қилиши, қўшимча хоналар ёки бошқа бино ва иншоотлар қурилиши учун белгиланган тартибда тегишли ташкилотлар билан келишмаган ҳолда амалга оширганда шунингдек, вақтинча фойдаланишга берилган 60,0 квадрат метр ер майдонидан бошқа мақсадларда фойдаланса Ўзбекистон Республикаси "Ер кодекси"нинг 36, 38-моддаларига асосан ер участкасидан фойдаланиш ҳуқуқи тўхтатилиши тўғрисида огоҳлантирилсин.

3. Фуқаро Аминов Бекпўлат Каримовичга ушбу қарор қабул қилиниши муносабати билан ушбу турар жой биносини давлат рўйхатидан ўтказиш мажбурияти юклатилсин.

4. Ушбу қарорнинг бажарилишини назорат қилиш туман ҳокимининг ўринбосари А.Курыязов зиммасига юклатилсин.

Боғот тумани ҳокими



О.Холбоев